

香山縣志卷之五

知香山縣事申良翰纂修

邑人毛定周編輯

宦蹟志總序

縣尹列傳

縣佐列傳

教職列傳

武職列傳

雜職列傳

序曰古稱吏治之盛無如東西兩京乃前史所載如卓茂之治密魯恭之治中牟周紆之治雒陽蓋亦不多見焉豈循吏之難其人哉抑聞見不詳闕遺往往而有也令之於民親矣求其可稱之蹟或散失不傳或傳其一二端無忝乎親民之實者指未易數屈舊志所不載靡得而考焉嘉隆而降至於今為令幾三十人其有蹟可傳率三分而得一嗚呼盛矣邑之官不自令止則宦蹟

香山縣志

卷之五

一

亦不自令止令以下為蹟益難則為傳益寡人貴自樹立東西京有以嗇夫亭長入為卿貳者矣令之職在親民令以下亦各舉其職吏治烝烝何遽不如古所云耶作宦蹟志第五

宋姚孝資紹興十九年以右從政郎知東筦縣事治才  
精敏下令闔境築堤護田水利大興民蒙其惠時香山  
鎮惟設寨官一員役屬東筦輸役性來不便庫涌士人  
陳天覺請建寨為縣孝資如其言疏聞從其所請於是  
敦武毅尉邕州副將劉必從捐其租地以為縣治  
梁益謙以吏最聞乾道七年來為令自紹興壬申剡邑  
於是十九年矣前此吏茲土者惟知奉行文書未嘗留  
心教化至范文林則崇建寺觀民苦工築益謙代之脩  
舉百度氣象一新首重學校課督士子增學田貳頃有  
奇疏南濠水以灌陂田捐俸置賑濟倉恒以催科為末  
務士民德之咸相戒勿違教令淳熙元年受代而去人  
思之不置乃為立德政碑  
洪元驥字逸仲晉江人少有異質貫通經史百家淳祐

七年登進士初為建寧尉折獄誨士見稱於時調連州  
推官未上寶祐改元差監惠民南局四年較藝南宮得  
文天祥卷置之上第一人服其明尋罷歸六年淮閩辟致  
為屬景定二年通班授宣教郎知香山縣至之日以教  
養人材為首務脩復大成殿明倫有堂主敬美身賓賢  
登俊有齋皆捐俸入為之斂不及民其為政一裁於義  
俗諱健戢其尤桀黠者曰此囚牙訟師去則吾民安矣  
邑以大治經略使洪勲趙汝暨雷宜中及倉憲交以邑  
取上咸淳元年轉奉議郎二年差監行在雜貨務後除  
大理寺丞終知潮州與兄文毅公天錫文學齊名時謂  
二洪卒文天祥狀其行實所著有東巖集  
元王天祥大名滑州黃縣人官至將仕郎至元間來為  
縣尹視篆之初以崇儒為先務脩葺學校重建講堂勸  
農省役百廢畢舉戍卒廝隸之違法者嚴懲之翕然稱

治縣宇廢自宋末攜父老求紡故址得諸草萊中乃捐  
貲脩復至今沿之在任七年輿情愛戴如一日云  
左祥盱江人初任翰林從事受知于學士吳澄泰定乙  
丑授承直郎來為縣尹留心政教嘗作勸學文以訓舍  
學子第一時士風皆知嚮往習俗偷薄則刻諭俗編以  
警切之自是頑梗之民漸知革心矣尋遷儒學脩義齋  
時與士子講濂洛關閩之學咸有所依歸既調官潮州  
路經歷猶留心學制有未備者移書必備而後已吳澄  
稱其政有三善後改知增城其政如香山擢知萬州卒  
今香山增城皆祠之

張執樂温

舊志三名蓋化于元俗新志名  
執字樂温恐非

字敬之冀州南宮人以椽為

辰溪簿有能聲至正四年擢縣尹廉謹自勵卓有猷為  
首飭學校次脩縣治求訪民瘼罷歲科柴炭政以不擾  
為本丙戌秋季童入寇海上奉檄平之民賴以安凡百

香山縣治

卷之五

三

叢務犁然悉舉廨宇僑梁一侈前觀而民不知役滿任  
去民為立德政碑

明周頤萊陽人洪武二十九年以監生任知縣時霖雨  
害稼方嗷嗷告災而朝命秋糧兌撥官軍郡符催逼甚  
嚴頤即捐俸代貧民輸納性尤明敏決斷滯獄囹圄為  
之一空招徠迓民田野盡闢夏秋二稅不待督責其勤  
于政理善于撫字為廣州諸邑之最及去老幼扞轅留  
之

蔡惟溥泉州晉江人永樂三年以進士任知縣賦性純  
篤喜怒不形勸勉學校撫集逃民不施鞭朴而百廢悉  
舉時有三虎為患乃設方畧率民捕獲之閭里以安  
馮誠饒洲浮梁人永樂間以進士任知縣為政威而不  
猛寬而有制廉而不矯甚得牧民之道時海濱潭田豪  
右占據興訟連年不決誠為斷之兩造愜服其訟始息

朱顯延平人成化十四年以舉人任性敏捷政尚扶弱抑強積年健訟十餘輩聞而畏之終其任匿不敢出在任寡交接鮮所許可鄉紳中惟長樂令黃瑜次則樂會令柳齊每至即延欸竟日去任之日謂人曰黃柳兩公俱正直可為矜式每相對未嘗干我以私也廨宇橋梁經顯營建者皆可久遠凡所施設吏民不欺軍士之悍戾寄庄之豪狡者咸不敢犯

楊昂字孔顥建安人少師文敏公榮之孫以蔭入監弘治中知縣事里胥以其出於相裔也或遠迓焉昂曰是欲為陽鱈耶斥而遠之饋送一無所受洎政第上下皆稱其廉能巡按御史聶賢疏言宜治繁劇遂調順德其政如香山時

林士元福州閩縣人由舉人嘉靖七年知縣事士元慈仁不擾撫愛小民每受訟牒怡聲與之細語盡廉得其

香山縣志

卷之五

四

情出言必由衷吏不忍欺士民以是親之久則如家人父子然一訊卽吐露情實凡百樽節浮費廉靜不渝上下安焉初學宮在蓮峰山下日久廢壞科第闕如士元聞諸提學副使蕭鳴鳳相士定基撫按皆報可始遷入城中殿廡堂齋號舍悉有條理所費約而易成諸生連有捷鄉書者會當道巡至順德檄士元躬送案卷先諭意索賄士元執不與乃謂人犯不致欲凌辱之士元奮衣起曰媮民膏脂以奉上寧死不忍為也竟不受辱而出卽疏言母老乞改教職授潮州府學教授怡然就道去

黃正色字士尚常州江陰人初以進士為令守制服闕詣銓部座主霍韜時為侍郎心知其廉能欲用為南海令而廖輕在任乃言於尚書汪鋹曰吾欲正色暫令近縣可乎且香山雖僻而糧逾二萬亦進士所宜可令也

鉉從之正色雖知韜意至任盡心民事明爽通敏決斷如流發奸摘伏出人意表每語人曰吾南海令也暫令此爾初潭田多為順德新會暨番禺士夫豪民所奪謂之寄庄戶糧至萬餘石邇年逋脫糧役貽累里甲代償民苦之正色首祛其弊詳撫按司府令寄庄戶各就近倉輸納解運邑翕然稱便視事不一月聞廖輕擢判肇慶正色曰吾行矣尋改調南海以績最入為監察御史周行字鹿野福建龍溪舉人隆慶元年任潔己惠民以寄庄逋逃請陞邑為州順德縣爭之不果時彛商麗處澳門番舶至奉檄盤驗有例金峻拒不納惟禁水陸私販及誘賣子女等弊而已

香山縣志

卷之五

五

等始造魚鱗歸號册民便之

張大猷字武程楚黃人萬曆乙未進士以異蹟調繁來香山會大璫李鳳入粵督稅議駐節縣內大猷抗言曰香山斗大孤城俗凋民瘵近海瘴厲砭人肌骨建牙于邑誠與稅使非宜若夫彛情巨測易動難制萬一巡行其地倉卒有變犯及命使如朝廷威德何議上大璫色沮御史諸大夫咸躉之卒賴中止未幾奸人投璫羅識邑民四十餘人璫命私人逮之銀鐙絡繹至邑大猷從容語之曰盍歸報命此屬皆吾赤子也于稅府何罪脫有罪皆吾為父母者過請得代為排解如必欲致之有張某在事且不可諸人終不能恣所欲居久引還中使御之莫可如何也俄復有他縣人揭報香邑鷄拍諸山有礦可采大璫令樹旗列廠集亡命千百分踞諸山淫掠橫行不可嚮邇遠近震動大猷密偵其山原無砂礦

諸人借名嘯聚日行詐挾于是臚列受害姓名事欸密聞之制按立擒首惡置之法然後闕白稅使稅使終莫能芘自是為之斂跡居嘗以廉潔自勵每謂移風易俗存乎經術慨然以教化為己任鄉邑分立文社捐俸建育英館為課業所建妙林塔以興文運得一賢士則欣欣獎掖一時文風丕變其後捷南宮居鼎軸者皆其品藻士也民有訟者委曲諭以大義兩發其天良平遣之而已在邑六年以治行第一徵就道邑民父老子弟追走數百里曰公實生我何忍捨我去呼號挽舟楫至不能行者累日

王好善字性夫廣西藤縣舉人城東北福山下學宮隘而就圯善毅然以改遷為己任復蓮花峰下舊址庀材鳩工好善俸措居多

蔡善繼字五岳湖州人以進士萬曆三十六年任多異

香山縣志

卷之五

六

政發摘若神境內豪訟者咸相戒匿影甫履任偵知澳彝情形條議制澳十則上之大中丞悉如其議未幾澳弁以法繩彝目彝叫囂將為變善繼單車馳澳數言解散縛悖彝至縣堂下痛笞之故事彝人無受笞者善繼素以廉介為彝人所懾臨事控制有法故彝遂凜凜弭耳受笞而去也平居善詞賦書法適逸文士也而履危定變直談笑視之後任嶺西道適兩粵總制何士晉下令墮澳城臺一切機宜悉借籌於善繼香之民蓋始終賴其衽席云

但啓元號五廬江西星子人由鄉進士來任先是邑有鹽場竈丁輸課煎鹽其後苗田多而斥鹵少鹽之地日削丁額猶循舊版以故逃亡故絕者多虛丁賠課為累甚大啓元於萬曆四十年清審鹽場丁口憐其疲弊一再申請力為豁去玖拾柒丁歲代解課肆拾伍兩有奇

而後竈民有更生之望矣建祠立碑在恭常都翠微村  
其他蹟多不傳  
王如春湖廣人以進士任有兼人才工算數吏不敢為  
奸一日召邑之醫者試之曰民吾赤子也奈何令庸醫  
殺之遣之出境又召邑之為堪輿者曰是皆妄言覓食  
耳愚民信之為禍其家不小亦悉遣之邑大驚服他邑  
之奸民為訟師於香邑者悉繩以法下令曰凡有訟悉  
以情直言偽者先治其誣然後視事曲直於是肅然其  
試士也必自為文以為多士式讌邑之縉紳必游詠終  
日圍棋樗蒲之屬悉具舉觴謂客曰客能勝令令當引  
滿令勝客乎幸無辭羣應曰諾於是卒無有能勝令者  
遂皆扶醉出蓋其意氣自命多如此  
周維持字爾調南直金壇人萬曆己未進士泰昌元年  
庚申任樂易親民喜造士設仁山書院課諸生有仁山

香山縣志

卷之五

七

會課稿辛酉邑舉鄉薦五人一解額一連榜進士皆仁  
山首擢士  
顧其言字公綸松江人進士崇禎十三年庚辰任時御  
史柳寅東按郡丰采峻肅下吏憚之其言直陳地方豪  
猾民隱艱難正論侃侃立談移日猾吏聞之逃匿吏治  
既肅乃敷文教與諸士講求古學勤課藝士一經拔識  
如登龍門焉縣城故庠薄其言捐俸增築建甕城城外  
建臺自顏曰鬱金曰來青鄉村嚴保甲盛守禦備鄰境  
賴以安歲饑出積儲勸賑恤荒不為厲事聞詔進給事  
中去之日士民遮留塞路涕泣如失慈母云  
國朝張令憲字胥游南直無錫人貢士順治八年任時省  
郡初定粟米芻茭之供倍往昔日督諸里胥論以理勢  
俾岡干於法會歲饑首逆梁子直率眾倡亂城陷令憲  
從容罵賊曰城破身死分所宜然父子遂遇害事聞

詔贈大僕寺卿蔭一子入監讀書  
沈蘭字丹穎浙之德清人貢士順治十一年之任途遇  
盜行李蕭然里胥密以金相饋拒弗受至之曰齋宿告  
城隍著誓章以見志必手書而口誦之為治禁差擾戢  
悍卒輕徭薄賦務與民休息每朔望後一日延紳士於  
堂課大講學一時得士為盛



明冲敬洪武元年來為丞當草創之初才幹有為縣治  
舊在城內元末徙于蓮峯經兵燹而廢敬至首訪在城  
舊署而經營之廨宇既成百務悉辦乃擇居止躬勸農  
桑招撫存恤流移四集凡所弛張編氓稱便時有狂寇  
倏至人情洶洶敬率民捍禦寇遁去一縣賴以安敬不  
自為功輿論多之銳情政事竟以勞瘁卒於官  
彭豫字與志吉安泰和人舉明經為萬安訓導以言事  
擢縣丞香山在海島間地遠俗囂前為縣者率尚猛豫  
至即寬其教條省其刑罰廢墜具舉流亡來歸濱海諸  
屯帥暴橫為民害者徃徃擇民膏腴田誣以荒廢據占  
自利郡縣不能制豫曰帥欲病吾民乎豫在不可得也  
乃悉追還民倭寇出沒海上飄忽若風雨民無戎械莫  
能禦豫教之樹柵積石以待計獲其艦自是不敢近俗

蓄蠱毒中者輒死豫廉得之誅徙其家後莫有犯者氓  
以男女質錢久則沒為奴婢諭而復之者二十餘人縣  
有大猾持長吏短長搖撼以逞前此長吏縮手不敢詰  
豫悉寘諸法奸宄斂跡歲旱衆禱不應豫曰吾無以文  
為也乃謝去里巫躬率父老百拜籲天與民請命越二  
日大雨霑足歲得上熟民舍火且延及公廨豫正衣冠  
向火拜告曰廨舍儲錢穀甲兵之籍有不幸吏國甘罪  
誠恐大擾民耳須臾風返火滅公暇即詣學訓迪諸生  
遂有登科者時外裔貢方物自香山入京典其事者失  
封緘朝廷遺御史按事連豫其子啓和願以身代邑民  
皇皇恐豫得重罰會赦獲免民大喜迎以歸坐是不得  
遷在邑六年考績卒于京邸民悼惜之豫每歲兌秋糧  
于千戶所終日坐倉兩平收受糧無虛耗民受實惠俗  
有耐久坐者必曰爾學彭明府耶

教職

明顏階字德升漳州龍溪人正德十六年以舉人來為  
教諭莊重醇雅克端師範富有學術訓迪惟勤諸生中  
有號為學霸者犯令輒威以夏楚督課每作文以示程  
式咸斐然向風首建遷學之議繼毀淫祠以立社學禁  
師巫以崇正教嘉靖初與脩武宗實錄脩辭精確提學  
副使魏校開席講學委階督諸生之道聽講者階終  
日端坐無惰容言必中節提學特加禮遇巡按御史涂  
敬以異材族焉嘗攝縣事廉幹綽有餘裕在任七年擢  
貴州印江知縣  
陳鶴齡惠州舉人任儒學教諭醇雅蘊籍每諸生進謁  
略去禮法講文義竟日無倦色諸生中有不能供膏火  
給喪葬者恒捐貲佐之飭士習勤會課以砥礪名節為  
己任

香山縣志

卷之五

十

武職一人

明金世任字泰元浙之義烏人本名家子以儒術干有  
司不用則舍而學兵法崇禎間來任前山叅將特以威  
信為澳彝所攝服與縣令協和共事嚴飭士伍毋敢厲  
民而士經其節制則又無不一當百者是時連歲荒侵  
沿海諸鄉間相聚為盜世任曰是豈民得已耶每奉上  
檄追捕馘渠散脅多所存恤

香山縣志

卷之五

十一

雜職一人

明周嘉懋浙江人機警有勇略崇禎十四年任香山巡

司諸鄉萑苻不靖晝夜無寧嘉懋率鄉兵禦之多保

障功時邑令顧其言指授機宜故嘉懋得以自効云

按舊志諸雜屬姓名多湮沒然猶表其尤者元至大

間香山場管勾有史從善賦性廉明課以時辦上不

欺公下不損民至今稱之永樂中河泊所官有徐希

賢廉靜頗知文學為所居曰梅溪小隱日惟吟咏其

間怡然自適成化間倉大使有湯思和儒雅頗涉獵

書史工篆好吟咏醫學訓科有陳禮番禹人術業精

專雅好吟咏子駿世其職亦以術鳴弘治初今附書

于此無使其弗聞焉

五卷終

香山縣志

卷之五

十二